



Kent Roy Gullaksen  
Ådlandsvegen 1003  
5919 FREKHAUG

Referanser:  
Dykkar:  
Vår: 19/685 - 19/12770

Saksbehandlar:  
Marius Flemmen Knudsen  
marius.knudsen@meland.kommune.no

Dato:  
06.06.2019

## Godkjenning av søknad om bygging av landbruksveg - Kveldsolvegen på Gbnr. 37/4 og 5 Søre Ådland

**Administrativt vedtak. Saknr: 134/2019**

### Saksutgreiing:

Kent Roy Gullaksen søker i søknad dagsett 03.03.2019 om løyve til å byggje ein landbruksveg på Gbnr. 30/4 og 5 på Søre Ådland. Det vert søkt om å få byggja ein ny traktorveg i vegklasse 8 på om lag 50 meter. Vegane er tenkt nytta 100 % til skogbruksformål. Den nye vegen har eit dekningsområde på 4 daa, byggjekostnader er kalkulert til kr 25 000 ,- for nyanlegget.

Eigedommen har 519,8 daa skog, 21,6 daa fulldyrka jord, 29 daa innmarksbeite og 207,9 daa anna areal. Den nye vegen skal vere tilkomstveg til eit skogareal/vedteig. Teigen er i dag vegluas, og grunna terrenget er det svært vanskeleg å komma til teigen på andre sider.

### Vurdering:

Ein landbruksveg er veg for landbruksformål eller kor landbruksformål utgjer hovudformålet med vegen jf. § 1 i forskrift om planlegging og godkjenning av vegar til landbruksformål (landbruksvegforskrifta). For den omsøkte vegen utgjer landbruksformålet all planlagd bruk av vegen.

Teigen er ein vedteig på bruket, og det er ikkje vegtilkomst til område. Teigen ligg oppover ei lisode og på ein kolle, dette gjer at tilkomsten til arealet er vanskeleg. For å kunne nytta vedteigen på ein effektiv og rasjonelt ynksjer søker å byggje ein veg som gjer at teigen kan nyttast. Det er no trong for å hogge ut deler av volumet på teigen. Det er søkt om å få byggje ein traktorveg i klasse 8, som er ein lett traktorvegklasse som i stor grad skal tilpassast til bruken og området den byggast i. Det er ikkje eit stort område som treng ein vegtilkomst og det er eit avgrensa volum. Dette er grunnen til at søker ynksjer å bygge ein veg i ein enklare klasse. Vegen vil gje tilkomst for traktor/traktor med henger. Administrasjonen meiner at omsøkt

veg er tilpassa området den skal byggast i og for planlagd bruk. Det er trong for tilkomst til området men det er nok med ein enkel veg som omsøkt. Sjølv om vegen skal betjene eit avgrensa område med mindre volum som skal nyttast til ved, er vegen eit viktig tiltak på eigeidomen. Det uavhengig av volumet eller kva virket skal nyttast til viktig med god tilkomst som kan gje rasjonell drift. Hogst av ved enten til eige bruk eller for sal er ein viktig bruk av skogressursar som ikkje held krava til massevirke eller sagtømmer.

Søknaden har vore nabovarsla og sendt på høyring etter landbruksvegforskriftas §§ 2-3 og 3-1. Det har ikkje komme inn merknader etter nabovarsling. Søknaden vart sendt til Hordaland fylkeskommune og kulturavdelinga i Meland kommune.

Hordaland fylkeskommune har i dag ikkje kjennskap til automatisk freda kulturminne eller andre verneverdige kulturminne som kjem i konflikt med tiltaket. Dei har difor ingen avgjerande merknader i saka, utover at ein under opparbeiding av feltet søkjer å unngå inngrep i/skade på eventuelle kulturlandskapstrekk som steingardar, eldre vegar/stiar, bakkemurar, tufter m.m. Hordaland fylkeskommune gjer merksam på at dersom det blir funne automatisk freda kulturminne som gjenstandsfunn, flekkar med trekol eller restar av konstruksjonar under arbeidet, må arbeidet stansast og kulturminnemynde varslast, jf. meldeplikta etter kulturminnelova § 8, 2. ledd.

Kulturavdelinga i Meland kommune har ingen merknader til saka.

Søknaden har vorte vurdert etter prinsippa i naturmangfaldslova (NML) §§8-12, jf.7. Etter gjennomgang av artskart, naturbase og den kunnskap administrasjonen har om viktige miljøverdiar, ikkje funne sårbare eller truga naturtypar eller artar i området eller i nærleiken (jf. § 8). Administrasjonen har vurdert det slik at det ligg føre tilstrekkelig med kunnskap om verknadane av tiltaket, og at føre-var prinsippet ikkje er aktuelt i denne saka (jf. § 9). Den omsøkte vegen vil noko grad auke utbygginga i området, men det har vore drive ulike landbruksaktivitetar i området i lang tid. Administrasjonen meiner difor at den samla belastninga for området ikkje vil medføra vesentleg auke, då planlagt bruk vil vere aktivitetar som allereie vert gjort i området (jf. § 10).

Naturmangfaldslova §§ 11-12 er ikkje aktuell i denne saka. Administrasjonen meiner etter ei samla vurdering at vegen som omsøkt ikkje er i konflikt med prinsippa i §§ 8-12 i naturmangfaldslova.

Administrasjonen vil etter ein samla vurdering gje løyve til bygging av landbruksvegen kveldsolvegen som omsøkt. Det er administrasjonen sin vurdering av den nye vegen vil vere viktig for å få god tilkomst til skogteigen og gje ein meir rasjonell drift av denne. Vegane vil gjere skjøtsel, drift og tilsyn skogen på teigen enklare og meir rasjonell.

## **Vedtak**

«Meland kommune gjev løyve til bygging av landbruksvegen kveldsolvegen som omsøkt. Det skal byggast om lag 5 meter traktorveg som nyanlegg i vegklasse 8 på Gbnr. 37/4 og 5.

Byggjeløyyvet er gjeve på følgjande vilkår:

1. Ny veg skal byggjast i samsvar med Normaler for landbruksveier med tekniske rettningslinjer for vegklasse 8 fastsett av Landbruks- og matdepartementet.
2. Under arbeidet må ein vere merksam på funn/konstruksjonar som kan knytte seg til kulturminne/fornminne og rapportera dette til kommunen eller Hordaland Fylkeskommune v/ kulturavdelinga, jf. Lov om kulturminner § 8, 2. ledd.

3. Tidsfrist for gjennomføring vert sett til 07.06.2022.

4. Når veganlegget er ferdig skal kommunen ha skriftleg melding om dette, og kommunen skal godkjenne arbeidet.

Bakgrunn for vedtaket går fram av saksutgreiing og vurdering. Vedtaket har heimel i §§ 3-2, 3-3 og 3-4 i forskrift om planlegging og godkjenning av veier til landbruksformål.»

Mynde

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klagt på i vedtaket, og kva endringar ein ønskjer. Klagen skal grunngjevast.

Med helsing

Anny Bastesen  
sektorsjef teknisk

Marius Flemmen Knudsen  
skog- og miljøkonsulent

*Dokumentet er elektronisk godkjent og har difor ingen signatur.*

**Vedlegg:**

Kart

**Mottakere:**

Kent Roy Gullaksen

Ådlandsvegen  
1003

5919

FREKHAUG